



觀古堂日業刻出

十三

1 普 4  
460  
13





卷  
一






唐女郎魚元機詩

宋本

士禮居藏





唐魚詵

元女

樂郎

壽鳳書

臣

壽生

己亥秋日許崇熙縮臨

唐女郎魚玄機詩

賦得江邊柳

翠色連荒岸，煙姿入遠樓。  
影鋪秋水面，花落釣人頭。  
根老藏魚窟，枝低繫客舟。  
瀟瀟風雨夜，驚夢復添愁。

贈鄰女

羞日遮羅袖，愁春懶起粧。  
易求無價寶，難得有  
心郎。枕上潛垂淚，花間  
暗斷腸。自能窺宋玉，何  
必恨王昌。

寄國香



魚支樓  
旦夕醉吟身相思又此春雨中寄書使窓下斷  
腸人山捲珠簾看愁隨芳草新別來清宴上幾  
度落梁塵

寄題鍊師

霞綵剪為衣添香出繡幃芙蓉花葉

山水帔

稀駐履聞鶯語開籠放鶴飛高堂春睡覺暮

雨正霏霏

寄劉尚書

八座鎮雄軍詞謠滿路新汾川三月雨晉水百  
花春囹圄長空鎖干戈久覆塵儒僧觀子夜羈

客醉紅茵筆硯行隨手詩書坐遶身小才多顧  
盼得作食魚人

浣紗廟

吳越相謀計策多浣紗神女相和一雙笑  
才回面十萬精兵盡倒戈范蠡功成身隱遁伍  
胥諫死國消磨只今諸暨長江畔空有青山號  
苧蘿

賣殘牡丹

臨風興歎落花頻芳意潛消又一春應為價高  
人不問却緣香甚蝶難親紅英只稱生宮裏翠



葉那堪染露塵及至移根上林苑王孫方恨買  
無因

酬李學士寄簾

珍簾新鋪翡翠樓泓澄玉水記方流唯應雲扇  
情相似同向銀床恨早秋

情書寄李子安

補闕

飲冰食蘗志無功晉水壺關在夢中秦鏡欲分  
愁墮鵲舜琴將弄怨飛鴻井邊桐葉鳴秋雨窻  
下銀燈暗曉風書信茫茫何處問持竿盡日碧  
江空

閨怨

薜蘿盈手泣斜暉聞道鄰家夫婿歸別日南鴻  
纔北去今朝北鴈又南飛春來秋去相思在秋  
去春來信息稀扃閉朱門人不到砧聲何事透  
羅幃

春情寄子安

山路欹斜石磴危不愁行苦苦相思冰銷遠磧  
憐清韻雪遠寒峰想玉姿莫聽九歌春病酒休  
招閑客夜貪碁如松匪石盟長在北翼連襟會  
肯遲雖恨獨行冬盡日終期相見月圓時別君



魚玄機  
何物堪持贈淚落晴光一首詩

打毬作

堅圓淨滑一星流月杖爭敲未擬休無滯礙時  
從撥弄有遮欄處任鈎留不辭宛轉長隨手却  
恐相將不到頭畢竟入門應始了願君爭取最  
前籌

暮春有感寄友人

鶯語驚殘夢輕粧改淚容竹陰初月薄江靜晚  
煙濃濕鬢啣泥燕香鬚採藥蜂獨憐無限思吟  
罷亞枝松

冬夜寄溫飛卿

苦思搜詩燈下吟不眠長夜怕寒衾滿庭木葉  
愁風起透幌紗窻惜月沉踈散未閑終遂願盛  
衰空見本來心幽棲莫定梧桐處暮雀啾啾空  
遶林

酬李郢夏日釣魚回見示

住處雖同巷經年不一過清詞勸舊女香桂折  
新柯道性欺冰雪禪心笑綺羅跡登霄漢上無  
路接煙波

次韻西鄰新居兼乞酒



一首詩來百度吟新情字字又聲金西看已有  
登垣意遠望能無化石心河漢期賒空極目瀟  
湘夢斷罷調琴况逢寒節添鄉思叔夜佳醪莫  
獨斟

和友人次韻

何事能銷旅館愁紅牋開處見銀鈎蓬山雨灑  
千峯小嶰谷風吹萬葉秋字字朝看輕碧玉篇  
篇夜誦在衾稠欲將香匣收藏却且惜時吟在  
手頭

和新及第悼亡詩二首

仙籍人間不久留片時已過十經秋鴛鴦帳下  
香猶暖鸚鵡籠中語未休朝露綴花如臉恨晚  
風欹柳似眉愁彩雲一去無消息潘岳多情欲  
白頭

一枝月桂和煙秀萬樹江桃帶雨紅且醉樽前  
休悵望古來悲樂與今同

遊崇真觀南樓觀新及第題名處

雲峯滿目放春晴歷歷銀鈎指下生自恨羅衣  
掩詩句舉頭空羨榜中名

愁思二首



落葉紛紛暮雨和朱絲獨撫自清歌放情休恨  
無心友養性空拋苦海波長者車音門外有道  
家書卷枕前多布衣終作雲霄客綠水青山時  
一過

自嘆多情是足愁况當風月滿庭秋洞房偏與  
更聲近夜夜燈前欲白頭

江行

大江橫抱武昌斜鸚鵡洲前萬戶家畫舸春眠  
朝未足夢爲蝴蝶也尋花  
煙花已入鸚鵡巷畫舸猶題鸚鵡洲醉卧醒吟

都不覺今朝驚在漢江頭

聞李端公垂釣回寄贈

無限荷香染暑衣阮郎何處弄舸歸自慚不及  
鴛鴦侶猶得雙雙近釣磯

題任處士荆資福寺

幽人荆竒境遊客駐行程粉壁空留字蓮宮未  
有名鑿池泉自出開徑草重生百尺金輪閣當  
川豁眼明

題隱霧亭

春花秋月入詩篇白日清宵是散仙空捲珠簾



不曾下長移一榻對山眠

重陽阻雨

滿庭黃菊籬邊拆兩朵芙蓉鏡裏開落帽臺前  
風雨阻不知何處醉金杯

早秋

嫩菊含新彩遠山閑夕煙涼風驚綠樹清韻入  
朱絃思婦機中錦征人塞外天鴈飛魚在水書  
信若爲傳

感懷寄人

恨寄朱絃上含情意不任早知雲雨會未起蕙

蘭心灼灼桃兼李無妨國士尋蒼蒼松與桂仍  
羨世人 月色苔堦淨歌聲竹院深門前紅葉  
地不掃待知音

期友人阻雨不至

鴈魚空有信雞黍恨無期閉戶方籠月寒簾已  
散絲近泉鳴砌畔遠浪漲江湄鄉思悲秋客愁  
吟五字詩

訪趙鍊師不遇

何處同仙侶青衣獨在家暖爐留煮藥鄰院爲  
煎茶畫壁燈光暗幡竿日影斜慙慙重回首墻



外數枝花

導懷

閑散身無事風光獨自遊  
斷雲江上月解纜海中舟  
琴弄蕭梁寺詩吟庾亮樓  
叢篁堪作伴片石好爲儔  
燕雀徒爲貴金銀志不求  
滿杯春酒綠對月夜琴幽  
遶砌澄清沿抽簪映細流  
卧床書冊遍半醉起梳頭

寄飛卿

堦砌亂蛩鳴庭柯煙露清  
月中隣樂響樓上遠山明  
珍簟涼風着瑤琴寄恨生  
嵇君懶書札底

物慰秋情

過鄂州

柳拂蘭橈花滿枝石城城下暮帆遲  
折牌峯上三閭墓遠火山頭五馬旗  
白雪樓高題舊寺陽春歌在換新詞  
莫愁魂逐清江去空使行人萬首詩

夏日山居

移得仙居此地來花叢自遍不曾栽  
庭前亞樹張衣桁坐上新泉泛酒杯  
軒檻暗傳深竹徑綺羅長擁亂書堆  
閑乘畫舫吟明月信任輕風吹



却回

暮春即事

深巷窮門少侶儔  
阮郎唯有夢中留  
香飄羅綺誰家席  
風送歌聲何處樓  
街近鼓鼙喧曉睡  
庭閑鵲語亂春愁  
安能追逐人間事  
萬里身同不繫舟

代人悼亡

曾覩天桃想玉姿  
帶風楊柳認蛾眉  
珠歸龍窟知誰見  
鏡在鸞飛話向誰  
從此夢悲煙雨夜  
不堪吟苦寂寥時  
西山日落東山月  
恨想無因有

了期

和人

茫茫九陌無知己  
暮去朝來典繡衣  
寶匣鏡昏蟬鬢亂  
博山爐暖麝煙微  
多情公子春留句  
少思文君晝掩扉  
莫惜羊車頻列載  
柳絲梅綻正芳菲

隔漢江寄子安六言

江南江北愁望相思相憶空吟  
鴛鴦暖卧沙浦  
鷓鴣閑飛橘林煙裏歌聲隱隱  
渡頭月色沉沉  
含情咫尺千里况聽家家遠砧



寓言 六言

紅桃處處春色碧柳家家月明樓上新粧待夜  
閨中獨坐含情芙蓉月下魚戲蝶竦天邊雀聲  
人世悲歡一夢如何得作雙成

江陵愁望寄子安

楓葉千枝復萬枝江淹橋映暮帆遲憶君心似  
西江水日夜東流無歇時

寄子安

醉別千卮不浣愁離腸百結解無由蕙蘭銷歇  
歸春圃楊柳東西絆客舟聚散已悲雲不定恩

情須學水長流有花時節知難遇未肯厭厭醉  
玉樓

送別

秦樓幾夜愜心期不料仙郎有別離睡覺莫言  
雲去處殘燈一盞野蛾飛

迎李近仁貞外

今日喜時聞喜鵲昨宵燈下拜燈花焚香出戶  
迎潘岳不羨牽牛織女家

送別

水柔逐器知難定雲出無心肯再歸惆悵春風



楚江暮鴛鴦一隻失羣飛

左名場自澤州至京使人傳語

閑居作賦幾年愁王屋山前是舊遊詩詠東西  
千嶂亂馬隨南北一泉流曾陪兩夜同歡席別  
後花時獨上樓忽喜扣門傳語至為憐隣巷小  
房幽相如琴罷朱絃斷雙燕巢分白露秋莫倦  
蓬門時一訪每春忙在曲江頭

和人次韻

喧喧朱紫雜人寰獨自清吟月色間何事玉郎  
搜藻思忽將瓊韻扣柴關白花發詠慙稱謝僻

巷深居謬學顏不用多情欲相見松蘿高處是

前山

因次光威哀韻姊妹三人少孤而始妍  
乃有是作精粹難儔雖謝家聯雪何以  
加之有客自京師來者示予

朱樓影直日當午玉樹陰低月已三光膩粉暗  
銷銀鏤合錯刀閑剪泥金衫威繡牀怕引烏龍  
吠錦字愁教青鳥啣衰百味鍊來憐益毋千花  
開處闔宜男光鴛鴦有伴誰能羨鸚鵡無言我  
自慙威浪喜遊蜂飛撲撲佯驚孤鵲語喃喃衰



偏憐愛數螭螻掌每憶先抽玳瑁簪光煙洞幾年悲尚在星橋一夕悵空含威窻前時節羞虛擲世上風流笑苦諳哀獨結香綃偷餉送暗垂檀袖學通叅光湏知化石心難定却是爲雲分易甘威看見風光零落盡絃聲猶逐望江南哀

次韻

昔聞南國容華少今日東隣姊妹三粧閣相看鸚鵡賦碧空應繡鳳凰衫紅芳滿院叅差折綠醕盈杯次第啣恐向瑤池曾作女謫來塵世未爲男文姬有貌終堪比西子無言我更慙一曲

豔歌琴杳杳四絃輕撥語喃喃當臺競鬪青絲髮對月爭誇白玉簪小有洞中松露滴大羅天上柳煙含但能爲雨心長在不怕吹簫事未諳阿母幾嗔花下語潘郎曾向夢中參暫持清句竟猶斷若覩紅顏死亦甘悵望佳人何處在行雲歸北又歸南

唐女郎魚玄機詩集終



臨安府棚北睦親坊南陳宅書籍鋪印

宋本魚元機集舊藏士禮居黃氏元齋江師有兩影刻本  
一影於都門一影於湘中今年春有持宋刻原書謁江師  
求售者余時校書署中獲見之此卽其集後題詠也江師  
取冊中蕘翁題詠補入所輯黃先生年譜注云宋本魚元  
機集於丁酉春見於長沙蓋先生此書於道光壬寅歸上  
海徐紫珊涓仁家至咸豐時徐氏不能守轉歸長沙黃荷  
汀諱芳黃時爲蘇松兵備道攜歸湘中冊首有余秋室繪  
元機詩思圖詩集作蝴蝶裝首葉與末葉字體粗細精惡  
不同冊後題詞甚多始陳雲伯終徐紫珊共二十一家售  
者堅持千金不易之說不可問價錄各家題語歸之云云  
謹按宋本今歸長沙故家其題詠江師欲刻於都門影刻



本後而交代期近行裝迫促事遂中輟矣江師去後余檢書篋得在署時臨寫本并此題記因命梓人重雕行世虎賁中郎典型固在使佞宋翁見之不知如何稱快耶丁酉十月十四劉肇隅記

唐女郎魚元機詩

宋本夾板面

士禮居藏

此一行刻在柘木

唐女郎魚元機詩

壽鳳書

臣壽鳳

壽上七字大隸書在副生葉上

像 唐女道士魚元機小影

秋室為蕘圃作

全集款係小之印隸書

遮羞羅裏宛香塵潛淚花間感舊春解得有情勝無價不知隣女是何人不怕吹簫事未諳文姬有貌更無慙容華南國誰相並最是東艷姊妹三丁年甲帳句爭傳莫悔南華第二篇如此憐才勝卿相烏絲小字寄金荃應有芸香辟蠹魚洪韋善本更何如多情誰是黃公望肯較蘭陵繆氏書

道光元年正月頤道居士陳文述題於吳門寓館

雲

陳印

雲

蕊蘭



百宋一塵

楊甫經眼

小雅堂

項元

子京

項墨林

自寬

子儋

沈木公

池灣

木公

勁寒松

以上在

保

沈木

文印

審定

珍玩

三松

過眼

士禮

項墨林

子孫

戊戌四月得於項子協

勁寒松識

沈案

未公

珍玩

馮李駱天

休文

北山

項元

墨林

項子京

家珍藏

黃印

善元

平江

西醫姓

城居士

樵李項氏

潘印

沈木公

項子京

海野

黃印

善元

平江

以上在

十二葉

句法徵來才調集書名錄入解題編府棚今觀臨安本粉

蝕香殘五十篇

端簡星壇禮誦勤步虛聲裏髻積雲如何玉篴傳金訣化

作葡萄滿篋文

太白廬山送內詩子安隔漢望夫辭仙郎一樣蟠根李補

闕何從比拾遺

書塵貯等藏嬌屋銀餅酬增市駿年更倩麻沙廣流布繙

摹遍買辭濤箋

嘉慶庚午初夏墨琴女史曹貞秀觀於寫韻軒因題

楞伽山人同觀

老錢 鑲夫墨琴 曹娥

五銖衣薄颺天風掃盡遙空雲氣仙觀咸宜聊寄跡詩帶

煙霞滋味月滿瑤壇花明元圃好个焚修地香清茶熟此

中多少真意 誰料慧業難消佳人薄命鋤草蘭同死頭

白龍眠揮采管生把香魂扶起宋本刊詩唐風寫怨小印

重重記後來真賞直教珍護如此

右調寄壺中天琴川佩珊歸懋儀

佩珊 歸懋儀

咸宜仙觀貯媯姪翠畹幽蘭署小名春圃芳華易銷歇天

天

三



風吹散步虛聲 殺粉調鉛絕妙詞珍珠密字寫烏絲世  
間何限滄桑感歷劫猶存宋槧詩 私印分鈐記項朱吟  
魂休恨賞音孤從今試問溫京兆省識瑤壇慧業無 短  
幅書塵護錦囊更聞好事沈東陽摩挲合當新翻曲多少  
才人奉辦香錫山女道人韻香 徽玉井蓮道人  
唐女郎詩魚姓元機歸於老蕘想秘珍拂水燼餘可惜奇  
搜汲古甲字曾標葉葉生香行行帶韻百宋塵中貯阿嬌  
真堪羨每挑燈夜讀相對清宵 當年暮暮朝朝只合伴  
鐘魚同寂寥悵妬花風起花容易謝有心人去心字空燒  
那識而今名流共賞風韻崔徽卷裏招題詞畢歎鬢眉多  
少枉說詩豪 分得蕘字強欲填詞因略效稼軒筆意賦

沁園春一闕不足觀也李福

子仙作楷

女郎入道大匆匆臙墨殘香也自工故紙數番猶宋槧小  
詩一卷尙唐風縹囊鄭重思元汴朱印周遭仞木公尤物  
世間知不少主人難得遇涪翁 吳嘉泰分得翁字 吳印嘉泰  
詩派三唐啟大局萬首百家選不足何人珍重女郎詞梨  
棗薰香奉金粟女郎傳是長安人生長良家顏如玉佩鯉  
羣欽姓氏香游龍曾倩鸞膠續金縷歌殘學步虛餐霞清  
供長生籙無端高髻拂蛾眉手斫桃花心太毒療妬無方  
國有刑黃金不許紅顏贖艱難覓得有心郎月缺花殘苦  
匆促當時巾幗多工詩洪度華箋麗春旭寄褐同心有季  
蘭劉郎酬唱爭芳躅訖今遺集隨香銷片羽殘鱗尠傳錄



水雪清吟賸幼微金釵排列如雲屬詩一卷計十有二番鵲藤蠶繭  
楮色新睦親坊刻迴殊俗絕勝尹家太廟前黃圖彩績誇  
綺縟我友好讀未見書盛以縹囊藉錦褥富備有過項沈  
朱愛護恆防寒具觸鑽研寢食類蠹魚甲乙品題如斷獄  
購來喜媿朱慶餘兩美合檢夜燒燭佚句旁摻洪景廬新  
書更證芳名錄婢名綠翹見南部新書賤子近自宣城歸書得葫蘆  
空有欲少陵殘帙印澄心芥隱編中寄遐矚道原幸與次  
道交招我觀書數更僕忽開此卷香網緼颯颯風生忘暑  
溽想見簪花弄筆時嬌喉婉轉寫衷曲薄命都緣不近情  
從來爭寵反招辱苟學迴文蘇若蘭色衰奚至遭刑酷一  
卷書論一斛珠千秋逸響哀黃鵠無雙寶遇無雙人什襲

裴漢愛應篤彩鸞切韻憶僊妹花蕊宮詞傳孟蜀循例還  
當如願來年年除夕酌芻束

瞿中溶賦得屬字長生

金屋夢雲飛懶賦雙棲舞裙香褪換黃紕彈指華年飄影  
去風月畱題 詩錦嘆淒迷一卷朱絲芳名應與薛濤齊

花落碧雞坊底路一樣鶻啼余得舊刊薛濤詩一冊濤晚年居碧雞坊見本集

戴延介得題字調倚賣花聲延介刻溪陰舫紅粉

胡走裝新蒲萄錦古詩珍女士三唐倦眼看他綺思豔詠  
行行游仙枕斷前塵夢更何緣畫省添香儘淒涼藥蘭花  
院吟盡斜陽 浮生判是愁邊度甚蛛絲命蹙碎了雲裳  
賸馥殘膏空畱餘韻郎當有心誰付哀梨鏡寄千秋幽恨



同將重評量小印心紅江夏無雙 孫延分得唐字調高

陽臺 孫延

新裝一卷爭看幽怨千秋誰語有心郎竟何如還羨牽牛

織女 難得有心郎不羨牽牛織女家皆集中句也

分得女字南雅顧純顧大 香案小吏

玉化琳宮煙沈翠館春痕畱在書囊芳緒漂零羽衣換却

明璫拈花可奈禪心裊又夢為蝴蝶尋香韻瑤琴怨綠啼

紅字字淒涼 千年芸葉瓊題護笑求來無價抵得情郎

彈指華嚴烏闌未褪斜行咸宜回首前塵杳剩消魂雨冷

雲荒倩誰人喚起真真寫影縹緲

董國華分得郎字調高陽臺 國華之印

鏡檻妝臺樂有餘咸宜觀裏託清虛吟成一卷緣情作傳

到千秋尙愛渠莫想令顏真絕代請看此集是奇書汪洋

叔度風流甚雙手薰香辟蠹魚 分得魚字袁廷禱 廷禱

月觀欹吟鬢妝樓委翠鈿綠章小格寫詩篇夜半去朝元

芸葉千年護瑤華一卷傳曹家倉好貯香奩付與掌書

仙 分得元字調巫山一段雲 鹿城徐雲路 徐印雲路

小字流芳說幼微女冠入道剪霞衣鍾情尙憶雲同夢怨

別還驚雁獨飛洪度有才偏遇譴季蘭無行便相譏見憐

難望温京兆笞婢身先動殺機

井桐吟後又薔薇才女工詩却也稀補闕郎猶羞玉貌咸

宜觀自勝羅幃貪看蝴蝶尋花徑怕說鴛鴦近釣磯誦到



焚香端簡句依然一室坐忘機

分韻得機字

蕘翁黃丕烈

翁

知有才名到此時枉緣小婢惱情思尊前珍重人圍看只

為卿卿一卷詩

分韻得詩字

夏文燾未定艸

夏文燾

魚集奉繳并所委畫亦在內乞檢入

弟

衰病已久老眼益

花殊非合作也詩集寫照以不設景為是若寫景則成仕

女圖矣并候不一

秋室弟拾片

此紙角有虛白齋製四小字

道光乙酉七月七日再集同人於宋廬分題魚集一切情

事並詳第二冊中予戲集集中句念四首皆七言絕句鳳

兒補集二首共得念六首持示同人詫為鈎心鬥角無縫

天衣即予自詡亦以為巧奪天工也詩具存第二冊中客

有慙惠予者曰子心思萬竅玲瓏能更集二首以成二十

八宿羅心胸可謂元精耿耿貫當中矣予應之曰特患無

題耳不患無詩也展卷見秋室學士詩集寫照妙墨猶存

仙蹤已杳迴憶吉祥弄中讀畫談詩曾幾何時不勝室邇

人遠之感因集贖句成詩即錄於秋室札子後空紙

雪

遠寒峯想玉姿帶風楊柳認蛾眉憶君心似西江水鏡在

鸞飛話向誰

王頊波

天

維摩居士只憐才品什清於雪嶺梅想見步虛明月下宛

然天女散花來

釋雪齋

庚辰仲冬長至後三日題

邗江雪齋達真

真齋

近日吳中講究古籍自香嚴抱沖壽階二十餘年來先後



作古藏書四友中惟予老蕘一人存矣舊刻名鈔心乎愛之者絕無其人予閉門養疴時有遠近書友送古籍來破間亦遂不惜重價購之以此爲良藥苦口利於病也其書魔之故智復萌哉近所得最得意者元鈔陳基夷白齋藁舊鈔舊刻王行半軒集諸種一爲流寓吳中一爲北郭十友又稱十才子之一皆眷眷於宋厯而遠則揚州近則吳郡聚諸一時豈不快哉借集魚集賸句以紀其事并遣興焉朱絃獨撫自清歌空有青山號苧羅應爲價高人不問道家書卷枕前多魚元機爲女道士故借稱爲道家書卷中元後二日午後坐學耕堂蕘翁續集不烈沈案字木公浙江嘉善人科曰不詳與王阮亭鄒程村友

善阮亭曾錄其生查子詞入倚聲初集詞云約伴試秋千眉畫春山遠的的鳳花明點額金釵顫含笑打鸚歌巧語欺鶯囀馬上阿誰郎避立花陰轉此紙左角有顧南雅簡四小篆來冊收到但不知如何題也魚冊已題就送來今藉价繳上其詞筆之妙真可壓卷絕世奇才也專此 雋手具五廿

日燈

蕘圃得幼微道人集倩秋室學士圖像於前復索拙句自慚荒劣不稱是題代索女弟子歸佩珊填壺中天一闕置之漱玉集中蓋不能辨也七十九翁奕雋又觀奕雋清氣乾坤得者希重煩妙手寫崔徽宋厯韻事傳他日可許清微配幼微



道光元年春日三松居士題於蟄室時年八十有二

三松居士

好事多逢翰墨緣翩翩才調若飛仙幾年綵筆書花葉畱  
得叢殘五十篇沈香薰像喚真真想見咸宜觀裏人幸

有錢唐余學士解將水墨繪精神獨學老人石韞玉

同治二年六月二十三日潘遵祁獲觀於滬上

三松之孫

五十新詩傳側豔十番故紙寶煙煤掩書試問朱承爵可

是名姝換得來

朱承爵嘗以愛妾換漢書

壬寅臘月二日書於條芳儵舍上海徐渭仁遜庵記

徐隨軒

士禮居題跋記一則

唐女道士魚玄機詩集陳氏書錄解題載其名其書則世  
未之聞也癸亥閏餘之月五柳主人以書棚本朱慶餘詩  
集易余番錢十圓而去謂是蘭陵繆氏物且聞其家多宋  
刻小種皆善本惜遲遲散去大都為居奇計余亦利其有  
故于其始出也不惜以重值艷之既而五柳主人云有魚  
玄機集亦宋本也余聞其名急欲一觀適五柳主人出弔  
海甯遷延不獲見所謂魚玄機者方悵然若有所失忽從  
他處遇之卽此唐女郎魚玄機詩集也書厘十二葉耳索  
白銀八金惜錢之癖與惜書之癖交戰而不能決稽畱者  
數日矣至是始許以五番售余可云快甚而後乃令百宋



一屢又添一名書好事之譏余竊自哂此集無別本可對  
偶取洪邁唐人絕句章穀才調集本證之題句亦互異蓋  
洪章本俱宋刻而彼有不同於此者可知宋時亦非一本  
烏能執而同之耶遂用別紙條載其後是本出項墨林家  
尤爲可寶朱承爵字子儋據列朝詩集小傳知爲江陰人  
世傳有以愛妾換宋刻漢書事其人亦好事之尤者唐女  
郎何幸而爲其所珍重若斯沈勁寒不知何許人茶僊一  
印更不知其姓與名俟博訪之嘉慶八年三月望春盡日  
挑鐙讀畢書黃丕烈之茶僊一印是義門先生圖章辛未  
仲冬獲觀因附誌於此

附錄魚玄機事略

唐西京咸宜觀女道士魚玄機字幼微長安里家女也色  
旣傾國思乃入神喜讀書屬文尤致意於一吟一咏破瓜  
之歲志慕清虛咸通初遂從冠帔于咸宜而風月賞翫之  
佳句往往播於士林然蕙蘭弱質不能自持復爲豪俠所  
調乃從游處焉於是風流之士爭修飭以求狎或載酒詣  
之者必鳴琴賦詩閒以謔浪惜學輩自視軼然其詩有綺  
陌春望遠瑤徽秋興多又殷勤不得語紅淚一雙流又焚  
香登玉壇端簡禮金闕又雲情自鬱爭同夢仙貌長芳又  
勝花此數聯爲絕矣一女僮曰綠翹亦明慧有色忽一日  
機爲鄰院所邀將行誠翹曰無出若有客但云在某處機



爲女伴所畱迨暮方歸院綠翹迎門曰適某客來知鍊師不在家舍轡而去矣客乃機素相暱者意翹與之私及夜張燈扃戶乃命翹入臥內訊之翹曰自執巾盥數年實自檢御不令有似是之過致忤尊意且某客至款扉翹隔闔報云鍊師不在客無言策馬而去苦樂情愛不蓄於胸襟有年矣幸鍊師無疑機愈怒裸而笞百數但言無之既委頓請盃水酌地曰鍊師欲求三清長生之道而未能忘解珮薦枕之歡反以沈猜厚誣貞正翹今必斃於毒手矣無天則無所訴若有誰能抑我疆魂誓不蠢蠢於冥冥之中縱爾淫佚言訖絕於地機恐乃坎後庭瘞之自謂人無知者時咸通戊子春正月也有問翹者則曰春雨霽逃矣客

有宴于機室者因洩於後庭當瘞上見青蠅數十集於地驅去復來詳視之如有血痕且腥客旣出竊語其僕僕歸復語其兄其兄爲府街卒嘗求金於機機不顧卒深銜之間此遽至觀門覘伺見偶語者乃訝不覩綠翹之出入街卒復呼數卒攜鍤具突入玄機院發之而綠翹貌如生卒遂錄玄機京兆府吏詰之辭伏而朝士多爲言者府乃表列上至秋竟戮之在獄中亦有詩曰易求無價寶難得有心郎明月照幽隙清風開短襟此其美者也

右魚玄機事略一則見太平廣記報應類二十九題爲綠翹後注云出三水小牘按三水小牘近世所傳皆輯本此篇卽從廣記錄出余檢宋人續談助卷三引三水



小牘云西京咸宜觀女道士魚元機字幼微長安倡家女也色既傾國思乃入神畜一女僮曰綠翹一日機爲鄰所邀莫歸翹曰適某客來知鍊師不在已去矣客乃機素相匿者意翹與之私及夜扃戶裸而笞之絕于地機恐坎後庭瘞之時咸通戊子春正月也客有宴于機室者因洩于後庭當瘞上見青蠅數十驅去復來詳視之如有血痕客出語其僕僕兄爲府衙卒常求金于機機不顧卒深銜之間之呼數卒攜鋪突入元機院發之而綠翹兒如生遂錄機詣京兆府朝士多爲言者府乃表列上至秋竟戮之在獄亦有詩曰易求無價寶難得有情郎其文視廣記從略而文無異同

惟衙卒廣記作衙卒恐誤又

計有功唐詩紀事云玄機咸通中西京咸宜觀女道士也字幼微善屬文其詩有綺陌春望遠瑤街秋興多又慙慙不得語紅淚一雙流又焚香登玉壇端簡禮金闕又雲情自鬱爭同夢仙貌長芳又勝花後以笞殺女童綠翹事下獄獄中有詩云易求無價寶難得有情夫又曰明月照幽隙清風開短襟

宋尤延之全唐詩話文全同此惟瑤街秋興多句街

作又錢易南部新書甲云女道士魚元機住咸宜觀工篇什殺婢綠翹甚切害事敗棄市又孫光憲北夢瑣言云唐女道魚元機字蕙蘭甚有才思咸通中爲李億補闕執箕帚後愛衰下山隸咸宜觀爲女道士有怨李公詩曰易求無價寶難得有心郎又云蕙蘭銷歇歸春浦



楊柳東西伴客舟自是縱懷乃倡婦也竟以殺侍婢爲  
京兆尹溫璋殺之有集行于世又辛文房唐才子傳云  
玄機長安人女道士也性聰慧好讀書尤工韻語情致  
繁縟咸通中及笄爲李億補闕侍寵夫人妒不能容億  
遣隸咸宜觀披戴有怨李詩云易求無價寶難得有情  
郎與李郢端公同巷衡茅相望詩筒往反復與溫庭筠  
交遊有相寄篇什嘗登崇真觀南樓觀新進士題名賦  
詩曰雲峯滿目放春情歷歷銀鈎指下生自恨羅衣掩  
詩句舉頭空羨榜中名觀其志意激切使作男子必爲  
有用之才識者頗賞憐之時京師諸官宦女郎皆清俊  
秀美簪星曳月各以吟詠遣懷惟玄機傑出多見酬酢

云有詩集一卷今傳今全唐詩姓名下小傳卽本此余  
既據廣記詳其事實復載諸書之說以備考信庶世之  
讀是集者得以知人論世云爾己亥夏五長沙葉德輝  
誌











